

佛祖統記

十一卷  
十五

鳳樓文庫

文庫19

F 229

6



諸師列傳第一

佛祖統紀十一

天宋景定四明東湖沙門志磐

撰

天竺式法師法嗣

二妙果文昌法師

明智祖韶法師

法喜清鑑法師

真淨思永懺主

保慶法潤法師

天竺本融法師

天竺思悟侍者

丞相王欽若

諫議大夫胡則

職方郎中崔育才

侍郎馬亮

三妙果天授法師嗣昌

海月慧辯法師嗣明智五人

淨慧思義法師

辯才元淨法師

山門禪定  
蘭若藏本

F0229-61



神智載昇法師

廣惠居白法師

世四 法寶從雅法師

嗣海月  
二人

慈行智深法師

圓應德賢法師

嗣淨慧  
五人

獲神智仲元法師

慈覺永堪法師

寂照慧日法師

圓悟思尚法師

法鑑若愚法師

嗣  
二人

靈山則章法師

世五 指源如杲法師

嗣法  
寶

慈明慧觀法師

嗣神  
智

慈受子琳法師

嗣慈  
覺

興國基法師法嗣

世二 興國令祥法師

嗣東  
福源悟持法師

錢唐曉法師法嗣

世  
十一

世二 法顯遇成法師

世三 兜率守仁法師

四明法智之作興也天下學士靡然向風嗣其業而

大其家者則廣智神照南屏三家為有傳明佛意示

家法用廣垂裕無窮之謀中興教觀逮今為有賴此

諸師列傳之所由作也若夫慈雲一家昌紹諸師之

後五世而茂聞今備列敘傳而先慈雲之派者將以

順其承襲而不使紊雜乎四明三家之子孫也

天竺式法師法嗣

法師文昌永嘉人久依慈雲克盡其道時衆推為前

列復往南湖見法智所詣益遠既而旋鄉為妙果第



一世妙宗新成寄寫本囑其講授且戒之曰或有異處可割取附來慈雲門弟授講者二十餘人師爲之首

見慈雲行業記  
四明與師書上

法師祖韶天台劉氏賜號明智十九通法華得度入東掖參慈雲得其與旨既而侍師遷靈山居第一座慈雲將居草堂謂師曰汝當往代本如居能仁而俾之來繼此山師即著草屨欣然而行至江濱呼其回曰吾試汝耳汝當竟住此山師既奉命一遵成規誦訓之外行四三昧爲常課棟宇未具力爲經理一日告衆曰吾受慈雲之寄今老矣亦將有東嶺之事慧辯爲吾上首其善繼我乎遂入草堂以自晏晦未幾

示疾趺坐而逝年七十二臘五十二師昔於東掖行光明三昧百晝夜至期方半忽見旌幢滿前導者呼曰大辯尊天師即作揖天曰師所住處傳通大乘利益群品言訖而隱常往京師道出淮泗夢僧摩頂曰吾文殊和上也示汝五無生義既覺五藏豁然如咀氷雪又夢入古寺見僧踞坐謂曰吾爲汝說第一義諦聞畢如甘露灌頂即見依正皆如雲影有人問曰人見和上何因歡喜曰視入常若佛想法師清鑑雲間人賜號禪慧爲慈雲撰熾盛光念誦儀序其略云慈雲尊者以行光教門弟子清鑑以所稟四種三昧行法遺編獨熾盛光未廣流布遂因其



舊五章補助始末加示法釋疑之二以爲七科明今東

天王有

懺主思求號真淨入道于秀之勝果又親慈雲勤修淨行時衆高之謂足上擬其師亦稱懺主

侍者思悟錢唐人侍慈雲講最久故能深達觀道善持咒法加水以愈人疾求者如市常課誦時身及奉像俱出舍利天聖三年慈雲欲以智者數卷求入藏文穆王公將聞之朝悟曰此非常事也小子將助之矣乃繪千手大悲像課咒以誓曰事果遂當焚軀爲報會公夢悟誦咒益精明年得旨師喜甚積薪爲樓白慈雲求火種雲於鑪中舉紅炭與之手引以承了

無難色即入薪樓火息之後殺裝覆體儼如其生慈雲乃加香水行咒願以焚之隨燄而化五色舍利無論其數三歲之後求者尚獲慈雲爲讚以刻石曰悟也吾徒荷法捐軀其骸赫赫其樂愉愉逮火將滅儼如加趺逮骨後碎粲如圓珠信古應有今也則無芳年三十眞哉丈夫

明智韶法師法嗣

法師慧辯字訥翁華亭傅氏號海月受業普照初遊學天竺至合澗有老人冠帶逾梁迎揖入門而失明智一見大奇之即盡心學教觀明智將老命居第一座以代誦一夕夢章安以金篦擊其口曰汝勸誨人



當得辯慧，嘗苦脾疾，夢天神以金漿盛水，使之瞑目，引其腸浣之。後八年，明智俾繼主席翰林，沈遘治杭，任威見者多惶懼，失據。師從容如平生，遘異之，任以都僧正。蘇子瞻時爲通守，爲序以贈之，曰：錢唐佛僧之盛，蓋甲天下。道德材智之士，與妄庸巧僞之人，雜處其間，號爲難齊。故僧正副之外，別補都僧正一員，薄書案牒，奔走將迎之勞，專責副正以下，而都師總領要略，實以行解表衆而已。師旣蒞職，凡管内寺院虛席者，卽消日會諸刹及座下英俊，開問義科場，設棘圍糊名，考校十問，五中者爲中選，不及三者爲降等。然後隨院等差，以次補名。由是諸山仰之，咸以爲

則講授二十五年，學者常及千人。夜有盜入其室，脫衣與之，令從支徑去。晚年倦，酬酢以六事，隨身歸隱草堂。衣鉢坐具紙被吳越大旱，禱天竺觀音像，又不應。師時以疾晝寢，夢老人白衣烏帽，告曰：明日午中必雨。如期果驗。遠近感師誠致，熙寧六年七月十七日，且起盥濯，告衆就別，合掌加趺而化。初，師遺言須東坡至，方闔龕。四日，坡至，見趺坐如生，其頂尚濕，坡盡敬而退。

東坡集云：師沒後二十一年，余謫惠州。師之弟思義囑參寥求作讚，因序之曰：余在杭夢至西湖，有大殿榜曰彌勒下生，故人海月辯才之流皆行道。



於其間乃作三絕以吊之云欲尋遺迹強沾裳本  
自無生可得亡今夜生公講堂月滿庭依舊冷如  
霜其其後參寥往潁水謁子由曰辯才既以子瞻  
故得銘於公海月獨未有銘乎子由亦爲銘其塔  
法師思義字和甫湖之武康凌氏試法華中第一得  
度依明智學隨聞隨悟常開幃出十難師答之悉契  
旨明智退居草堂衆送入室既散師猶侍右智曰汝  
適何見答曰見大衆拜而退智曰吾示汝將來義當  
住此山紹隆大教後後亦來居此室也師歷修四三  
昧行忽頸上生一肉癭夜夢功德天食之以挑其疾  
即消熙寧四年賜紫服號淨慧丞相兼頌師杭請居

天竺大損法道住山二十三年退間草堂皆如明智  
之記元祐三年二月十八日中夜趺坐別衆而逝大  
衆誦念久之忽復語云侍觀音大士行見一沙門金  
色長身垂臂謂我曰報緣未盡過七日當遣迎至二  
十五日復趺坐而化瘞龕之日有赤雲垂布如引導  
之狀向西而隱

法師元淨字無象徐氏杭州於潛人客有過其舍者  
曰嘉氣上騰當生奇男既生左肩肉起如袈裟條八  
十一日乃沒伯祖異之曰宿世沙門必使事佛八十  
一者殆其筭歟及師之終果符其數十歲出家每見  
講座輒曰吾願登此說法度人十八就學於慈雲不



數年而齒高第後聞明智講止觀方便五緣曰淨名  
所謂以一食施一切供養諸佛及諸賢聖然後可食  
此一方便也師悟曰今乃知色香味觸本具第一義  
諦因泣下如雨自是遇物無非法界代誦十五年杭  
守呂臻請住大悲閣嚴設戒律其徒畏愛臻為請錫  
紫衣辯才之號七年翰林沈遘撫杭嘉祐謂上竺本  
觀音道場以音聲為佛事者非禪那居乃請師居之  
鑿山增室廣聚學徒教苑之盛冠於二浙神宗熙寧  
三年杭守祖無擇坐獄于攜李攜音醉地師以鑄鐘  
例被追辨幸而得釋寓止真如蘭若擬金錁設問答  
述圓事理說發明祖意之妙元豐元年有利山門施

資之厚者倚權以奪之衆亦隨散逾年其人以敗聞  
朝廷復昇師衆復大集清獻趙公與師為世外友為  
之贊曰師去天竺山空鬼哭天竺師歸道場重輝東坡  
寄詩云道人出山去山色如死灰白雲不解三年復  
笑青松有餘哀忽聞道人歸鳥語山客開謝去居南山之龍井士庶爭為築室遂成藍宇六年  
太守鄧伯溫請居南屏越明年復歸龍井時靈山虛  
席師以慈雲師祖道場俯就衆請及月餘於禪定中  
見金甲神跪前曰法師於此舊無緣不宜久住既奉  
冥告遂還龍井元祐四年蘇軾治杭嘗問師曰北山  
如師道行者幾人師曰沙門多密行非可盡識杭子  
追生四歲不能行請師落髮摩頂數日即善步坡詩云師



來為摩頂起走趨奔鹿將示寂乃入方圓菴素觀記米芾書宴坐謝賓客止言語飲食招參寥告之曰參寥吾淨業將成若七日無障吾願遂矣至七日出謁告衆即右脇吉祥卧奄然順寂時元祐六年九月晦日也塔成弟子懷楚詣汝陰請誌于東坡坡命子由為之銘師誦說不間晝夜嘗曰鬼神威德不具者晝不得至夜中人靜庶幾能聽焚指供佛左三右二有欲效之者師止之曰如我乃可修西方淨業未嘗須臾廢或禱大士求放光光即隨現沙門熙仲對食視師眉間有光遽起攬之得舍利數粒後人常於卧處得之嘉興令陶彖有子得魅疾祝之即愈諸暨陳氏又患心疾湯藥不知

入警以微言醒然而悟布衣李生久習禪觀辯而無行欲從師出家東坡為之請未言其名力拒不許若先知然秀州狂僧號回頭以左道惑衆宣言欲建大塔為吳人植福施者雲委以師不可欺憚於入杭先遣使願以錢十萬供僧師答曰承以建塔淨財欲飯僧教有明文不許互用狂人大慚而止坡公遺桑文略云我初適杭尚見五公講有辯臻禪有龜嵩後二十年獨餘此翁今又去矣後生誰宗

鏡菴曰道大德尊智高辯富作大法主為世所宗而於出處飲啄之緣猶未得其自在住上竺幾二十年居靈山僅及一月然則結緣之論雖大賢有所未免



法師載昇會稽人號神智久參明智時輩推其善說  
先是錢武肅王帥杭日嘗患目眚夜夢素衣仙人言  
自永嘉來明且有求嘉僧投牒願以觀音像獻言得  
之海湖諸山迎之不能舉既而示夢欲歸越城武肅  
即具威儀迎至一見像已自即還明乃創菴名興福  
以奉之像坐高六尺梵相奇偉燈夜仰望猶若生人  
元祐間師來居興福時清獻公爲師亢旱大疫久禱  
不應遂罷遣群祀請師迎像入府懇禱一夕甘雨如  
注疫亦以息公爲奏于朝賜師神智菴名圓通  
海月辯法師法嗣  
法師從雅錢唐人賜號法寶始從海月學通止觀乃

自謂曰言清行濁賢聖所訶遂入南山天王院誦法  
華至五藏言藏者且以五金剛般若四藏彌陀經十  
藏禮舍利塔十徧言徧者以八萬禮釋迦三十萬拜  
彌陀百萬拜佛號五千萬聲禮法華一字三拜者三  
過心期淨土一生坐不肯西憲使無爲揚傑爲製安  
樂國讚三十章以美之其一云淨土周沙界何勞獨  
指西但能從一入處處是菩提師欲廣化世俗遂於  
受業淨住寺圖九品三輩刻其讚于石觀者皆知感  
化一日無病趺坐而亡有天樂鳴空異香入室之瑞  
法師智深賢號慈行嘉禾沈氏初依海月學教觀既  
成歸受業崇福西寺開長堂雲水供建光明期懺會



二十年如一日專念淨土勸人稱佛號從化者不知  
數政和乙未六月半亡留龕七日色不變茶毗之日  
異香襲人入收舍利與骨俱盡

淨慧義法師法嗣

法師德賢臨安人賜號圓應為兒時相者曰他日常  
有宮阨唯出家可免父信之令往依叔父海月月亦  
之曰我翁孫相繼家業始成汝欲來此作主人邪師  
遂去暨落髮復往天竺參淨慧大明教觀之道久之  
遂居第一座有俗士謁淨慧言室女為祟所嬈不啼  
不哭願師慈救慧曰我首座可以治此士往扣之師  
乃令女所居閣上設一榻既至即就榻睡少時竟云

女白父曰適蒙法師開悟於我今求去矣自是神識  
安定淨慧間居草堂師經其席果符海月主人之記  
居五年無疾而終語門人曰吾生前以道力免難死  
後恐不能逃門人造像入祖堂乃用鐵護其項建炎  
中金虜真珠王子領兵犯浙入天竺升祖殿衆像皆  
避席而揖獨師像不為動王怒令斬之以頸有鐵不  
可傷乃令積薪盈門縱火焚之薪盡而屋如故虜大  
驚譖禮而退

法師仲元號神智妙年納戒即學教於天竺淨慧及  
繼主祖父道場道風大振六年將退問草堂請首座  
水堪以自繼且謂之曰首座寮中什物並留後人方



丈所用亦自足師止攜三衣一鉢香合拂子尼師壇紙被浴具世稱爲七事隨身過草堂及觀首座寮止一紙衾了無餘物人莫不高二師之風

法師求堪賜號慈覺高介特立平時不履尼寺從淨慧學克肖其道後繼神智居天竺二十一年四海學者推爲宗主嘗訓于衆曰明道而不克行是猶見飯而不肯食終爲飢人也別日又謂衆曰汝輩一向忍飢何爲衆媿其言一時學士皆相率進行爲世英偉云

法師慧日賜號寂照學淨慧得其旨淹貫三藏樂習解定虛懷待人不別愚智有辱之者未嘗有色人皆

稱之爲大忍佛繼慈覺居天竺十餘年講道精進有元父兄之業

法師思尚早從淨慧妙盡其道政和元年詔居上竺賜號圓悟誦說簡明學者所仰嘗曰吾宗義學也不旁通儒典而事誦業者吾恐未盡其義苟義有未盡則意何所在得意亡言自是學成之人若初心向學須先尋文義可也

辯才淨法師法嗣

法師若愚海鹽人馬氏賜號法鑑學教于辯才號稱夙成郡以南屏興教延之以就奉辯才杖屨間居龍井者六年後於湖之仙潭營長堂接待建大門造西



方傳結道族念佛常數百人三十年中預會者多蒙  
佛接之瑞靖康丙午九月謂其徒曰吾夢神人告曰  
汝同學則章得普賢行願三昧已生淨土彼方待汝  
曷可淹留即命衆觀經甫畢乃云聖相現前吾其  
往矣即偕偈曰空裏千華羅網夢中七寶蓮池踏得  
西歸路穩更無一點狐疑閣維得舍利數百粒塔于  
東廡初入道夢白衣女授七十二策後壽果及其數  
慈覺堪法師法嗣

法師子琳賜號慈愛幼學于慈覺深悟圓旨復謁佛  
智裕禪師直研心要時天竺以慈福太后請爲功德  
師被旨住山二十八年講演之際唯提大義禪侶聞

風而來者咸服其辯大慧果禪師過之相與劇談不  
覺達旦謂師曰時人祇知老師有教徑山谷許老師  
有禪爲題其真云悟得旋陀羅尼三昧於一切法得  
大自在舌端之上海波翻第一義諦無違片孝宗乾  
道元年春召師問道上曰朕欲讀經以何爲要師曰  
金剛圓覺最爲要道曰參禪如何師曰禪須自悟上  
曰何以爲功師曰澄寂身心又當自契上說後因召  
問世有道之士師以上竺慧光對上欣納之一日  
謂門人曰吾爲首座十八年日課蓮經一部每於禪  
定夢寐得見普賢住持以來無復夢見信知領徒損  
已其言有實遂屏迹草堂經半載忽晝偈趺坐而化



停龍踰旬時當連雪而身常溫煖

法寶雅法師法嗣

法師如吳錢唐人學于法寶唐復禮法師問學者曰  
云真法性本淨妄念何由起從真有妄生此妄何所  
正無初則無末有終應有始無始而無終長懷懣茲  
理願為開玄妙析之出生死師謂此問有二意初四  
句問真法本淨妄何由生既生妄已云何止妄而能  
即真此該從真起妄反妄歸真之義次四句問始終  
有無既云無始云何有終若無於終何有於始後二  
句為請答自古涉法師清涼圭峯各有偈答而洪覺  
範所錄林間錄謂皆未副問意彼問真法本淨妄何由

起而今但云迷真不覺此答人誰不能師乃別為之  
答云真不守自性照分能所起隨緣染淨熏復性方  
可止真妄一體即故說無終始迷悟自情分始終絕  
然理達此真妄源誰復受生死識者謂此答始可以  
達同意師所述教義名指源集自序云紹興十二年述

興國基法師法嗣

法師悟持慈溪人受業于興國誦法華試中得度專  
受基法師之道悉達深旨每俾代講綽有父風迨西  
永安林泉尤勝衆請為起廢歷十八年殿宇像設無  
不畢備寶元初新闢于朝賜名福源安衆講道遠近  
法席為人寬和接賓客有加禮雅尚清談終日不



所居多植嘉果。藝塘治田。南歲無歉。法食俱通。入北  
樂依。四明教行錄有三書。與持經。亦安  
山主看是也。○事見福原開山記。

諸師列傳第

諸師列傳第二

佛祖統紀卷十二

天宋景定四明東湖沙門 志磐 撰

四明法智法師法嗣第一

廣智尚賢法師	祥照本如法師
南屏梵臻法師	三學則全法師
浮石崇矩法師	廣慈慧才法師
廣嚴含瑩法師	慧因擇交法師
圓智覺琮法師	崇法嗣端法師
四明文粲法師	丹丘嗣謙法師
四明願彬法師	廣印智環法師
祥符文智法師	三衢文炳法師



四明用鄉法師

四明居永法師

四明自仁法師

崇慶本圓法師

天台慧舟法師

三衢懷襲法師

圓智志豪法師

日本源信法師

內侍俞源清

嗣法二十七人

入室四百七十八人

寶錄外堂一千人

法智法師法嗣

法智尚賢四明人。賜號廣智。依法智學教觀。闡諸名頓悟性相之旨。歷事既久。遂居高第。天聖六年。繼法智主延慶道化。盛行雪竇顯禪師。聞其名。出山來訪。携煎茶以申賀禮。人傳以為盛事。嘗云。

掌見一虎伏几前。師直進展尼師壇於背。寂無所親。日本國師遣紹良等齎金字法華為賀。請學輪下三年學成辭還。日本大弘斯道。明道中。紆淨覺居靈芝致書於師。論指要解三千之義。祇具心性所具俗諦之法。未是中道之本。請師同反。師承師接。荆溪三千即空假中之文。謂何必專在於假。以輔四明三千俱體俱用之義。學者賴之。性復二書並見廣智遺編所著遺編及釋金錫亡釋十類即扶宗忠師所錄廣智翼讚大教至為有切經體一章尤善發明續遺妙宗之旨又掌著闡幽誌以七種二諦消光明諸經之王四教之正法智是其說及後作光明記遂采用之見三經體章



草菴錄言曾魯公爲廣智撰塔銘而後世無傳當是與寺俱燬于建炎之寇惜哉

法師本如四明白章人受業本郡國寧初依法智於千衆中有少僂聲使典詞翰有法則爲世所愛嘗請益經王義法智曰爲我作知事二年卻向汝道既事畢復以爲請法智厲聲一喝復呼云本如師豁然有悟爲之頌曰處處逢歸路頭頭復故鄉本來成現事何必待思量法智肯之曰向來若爲汝說豈有今日祥符四年慈雲遷靈山親往法智會下求可爲繼法智曰當於衆中自擇之慈雲閱視至師即云斯人可也師至承天東山能仁舊名大振法道歷三十年衆常五六

百法華涅槃光明觀無量壽觀音別行玄止觀金錫觀心論等皆講說六七過堂集百僧修法華長懺一年瑞驗屢見寶歷二年七月駙馬李遵勗爲請于朝賜神照法師紫方袍及賜智者教文四千五百卷以資誦說嘗於寺西南隅見一虎睡以杖擊之曰此非汝睡處虎俛首而去今白蓮寺前虎溪亭後於虎卧處結屋爲菴歸間其中先是有五通神居于此師每禪坐必連牀昇行空中師未嘗問一日五神請曰師既踞吾居乞於北向山岡建祠塑像已備泥在山矣師往視岡上有新泥一垵以之塑像無所餘師慕廬山之風與丞相章郇公諸賢結白蓮社六七年來遂成巨剎乃



以能仁山林三之一。指嶺爲界。以供樵薪。仁宗欽其道。遂賜名爲白蓮。皇祐三年五月十八日。微疾。即升座說法。與衆訣別。其夕。法堂藏閣。方丈棟梁。皆抗鐘鼓。擊之無聲。江上漁人。見雲端有僧西向而去。詰旦。右脇安庠而逝。時天氣盛熱。異香非常。明年三月。塔全身于寺北門人啓鑰。視尊容。如生。爪髮俱長。有大蓮華。產于塔前。壽七十。臘五十三。嗣法處咸等甚衆。師嘗於天台邑中。爲衆施戒方。乘粥磨。忽有光明。自智者塔國清寺赤城山交射於法座之上。又因供千佛飯。一千貧人。置華於席下。佛座華應不萎。而反萎。貧人座華應萎。而反不萎。衆爲之歎異。嘗著仁王

懺儀。撰行法經。疏至十種境界而止。後咸法師續而全之。

問宣子記曰。嘉定四年春。住山鑑堂謂師。塔當方丈。後紐於風水。非宜之說。將遷之。破土數十。香氣襲人。棺上產蓮華一莖。光明奕奕。暨發函。慈顏依然。須髮長垂。衣被不壞。舍利滿龕。一衆驚歎。於是亟掩藏之。鏡菴論之曰。法師血肉之身。衣被之飾。在土二百年。而不壞。非夫戒定慧三昧之力所持。疇能若是。人或以輕發祖塔。咎鑑堂者。非夫假此日之啟視。則曷足以知法師正報親依堅固不壞之瑞爲此舉者。其祖師冥使之乎。

觀經疏。以華座觀爲親依。今以



初名之

法師梵臻初名有臻錢唐人具戒之後即問道四明見法智最為晚暮聞講妙玄文句大有啓發及還鄉邑以不親授止觀為之恨乃焚香禮像閱讀二十過以表師承皇祐三年初居上竺明年有旨遷金山熙寧五年杭守吳侍讀聞師名以南屏興教延之每當講次綜括名理貫穿始終舉一義則衆義泠然窮一窮一文則諸文允會當時強記者因集以成類初集類之作由法智講授散引諸文有仁首座者錄為五類既而淨覺增其二括蒼聰師加其三佛慧才師重檢諸文節為十類四明吉師隨諸部帙各為詮次廣智見

之曰類集之行得失相半得在知其綱要失在昧其起龍經師興教之席群衆泰初詮為高座緒餘超果會賢別立懸敘消文一一文下開示來意正釋觀心佛乃南屏一家天竺法師曰碎割法身龍經後學失其闡化機拍法藏吳公當休沐必往聽法垂紳正笏立于閭外師未登座終不入師夜赴請見婦人在前問之則曰妾有哀懇請師到家師從之至其門見數人拽此婦置牀上舉大刀斫之如泥少時復活泣曰妾生前善切膾炙受此報欲求濟度故敢仰屈師為授戒遂不復見每與淨覺辨論教門陳辭有司乞築高臺豎赤幡放西竺聖師與外道捕勝義墮者斷首截



舌懸之幡上郡侯魏師法戰之銳就辭解之曰行文製作臻不及岳強記博聞岳不及臻師雖自此弭兵聞者莫不凜凜東坡初來杭與師最厚後為郡而師已逝見其行狀曰此文雖工未道此老太過人趣吾掌與語九經史群籍有遺忘即應聲誦之崇寧中謚實相法師

法師則全字叔平四明施氏依保國出家即造法智學教觀時南湖競推十大弟子師為之冠焉旁通書史尤善著述性直氣剛敢言人失人以此畏之注三學三尸年郡守即簡尤加敬掌謂人曰叔平才氣凜然若以儒冠職諫諍豈下漢汲黯唐魏徵我朝王元

之邪慶歷五年夏別復坐亡弟子若水立碣於延慶

師所述四明實錄人謂蔡邕作郭有道碑也後漢郭

有道不虛既卒蔡邕為碑文謂郭有道碑也

述曰廣智亡趙清猷為撰碑三學亡弟子水師為

立碣此二文必大有可記者今二石既無存於是

二師行業不可知後人立傳抵彷彿耳吁可惜也

法師崇矩三衢人來學法智妙達教觀之道居第一

座法智坐聽其誦曰吾道有寄矣初赴黃巖東禪講

法智寄書勉之曰立身行道世之大務謙為德柄汝

當堅執此分更宜博究五經雅言俾於筆削之間不

墮凡鄙當效圓闢梨之作也未幾還三衢受木葉景



德講浮石主者元勳問從真起妄義一言有契願回  
禪居永為傳教之地郡為敷奏有旨俞其請乃大開  
齋堂以安學衆日談止觀夜講光明復於一時率衆  
念佛尊以法智歡心居於義林盡瘁致難問法智乃  
收及三輩以免相違真廟時遊方至京師上問其名  
召至內殿講四十二章經盛談名理上心大說賜紫  
方袍金幣香藥既而回天竺衆留貳講久之復歸故  
里慈雲授以香鑑如意手書談辭獎之曰汝將歸  
于親里也勉之哉被忍為衣入慈為室處空為身  
遠衆惱口寡言論意防輕慢慈心授入是曰三軌是  
為四行各安隱說

述曰浮石生學于法智及赴東禪乃遺以書當是  
時已定師資之分矣後自京回天竺慈雲以猶子  
待之故其歸里亦授以辭此見二尊者法門之情  
無所間然而古今圖譜置之慈雲之下其不審也  
若是今依鑑師錄系之四明野圖者毋以為惑

法師慧才永嘉樂清王氏師白鶴山怡芳祥符間  
得度真宗封泰山詔年十三進受具戒往學于四明  
性誠昏鈍常持大悲咒願學通祖道忽於夢中見梵  
僧長數丈脫袈裟與披之呼曰慧才盡生記吾翌日  
時講豁然開悟前後所聞一時洞曉未幾首衆四座  
推服復謁慈雲北面服勤晝夜不替治平初杭守沈



遷請住法慧寶閣二十年始終一節太尉盧公奏明  
廣慈之號浮石來請勉徇衆意未久退居雷峯塔下  
每翹足誦大悲咒百八爲課文翹足一晝夜誦彌陀  
號一夕夢至寶樓官闕有告之者曰淨土中品汝所  
生也元豐元年春紹素萬指求授大戒至四月時觀  
音像頂放光輝映譚堂淨慈守一禪師爲作戒光記  
六年五月二十一日更衣就座書偈讚佛曰吾生淨  
土決矣泊然而化塔于菴之右壽八十六臘七十二  
繼其業者法宗戒珠十人師貌古而性恬少言寡欲  
時教門異論諠動江浙師獨循循講訓未嘗有所藏  
否清獻趙公道交最密及鎮越寄以詩曰乞得鄉邦

樂矣哉雷峯菴靜此裴回浙江莫謂音書隔一日聞  
聲兩度來  
法師含肇受業四明之廣嚴稟法智教觀深有造詣  
時人推爲教主嘗以銀書法華經遇佛菩薩名則用  
金字世稱爲法門至寶建炎金衣院宇焚蕩於瓦礫  
中尋獲此經不損一字淳熙間住山蓮止菴夜聞萬  
人誦誦驚起視之則別室遺火其經藏柱閣上師冒  
火取之得無損人言兩遭烈燄皆不淺壞者遠由人  
乘功德之力近見教主行願之所持云

法師擇交台之黃巖人學法智得其道天聖二年章  
安慧因始易爲誦院請師主其席法智作授辭與之



其略云今授汝香鑪如意用為傳法之具欲汝三學  
芳馨著乎自己以悉巧意適彼物宜汝其懋之勿妄  
揮棄

法師覺琮受業會稽之國智依南湖學成言歸法智  
寄帖勉之曰既學山家必當異於常流理事合修自  
化兼濟如此是為智者之子孫也

法師嗣端四明人受業崇法久親法智世稱教主王  
荆公宰鄞與師為方外友

荆公嘗有崇法留題云小  
將相材作清涼集中失收

法師文舉四明薛氏初依興國令祥師久之遣入法  
智空孜孜教觀綿歷多載天聖四年祥師以經理塔

寺有妨示徒乃付誦於師法智作授辭以勉之曰吾  
觀汝為傳法之器故授汝手鑪暨多羅僧欲汝一  
秉一披使德香芳郁寂忍成就

法師嗣謙蚤居法智輪下因有人謂三千是假法以  
之為難時廣智謂三千不離實相實相即是三諦則  
三諦皆三千也師服其說後若僧性辯訛言貽三千  
不專俗諦及廣智答淨覺書乃引師以為證

法師願彬四明人依法智得旨唱道有義法智垂  
終遺書囑其墜法

法師智環學于法智揚文公勸法智止其焚軀作書  
與慈雲令師往勸住世法智建放生會請樞密劉公



撰神紀述師疊書催之遂得成文

法師自仁聽法智講錄所引諸部名言以爲五類類集之興自師始祥符七年夏法智出教門雜問七章及四教四諦義師所答最勝學者盛傳之後舉以首衆講演不倦性謙冲不務名世以此敬之

法師慧舟舟立人二親既歿即棄家入道投四明爲學數載而業成乃曰法智有訓佛道甚夷行之惟艱謂四三昧也天聖初結同學十人行大悲行法者三年結十四人行普賢行法者又三年勅入朝誓於像曰倘此三昧有成當焚軀以效供養行法既周因故里求證神照照欲全其重願喻道俗輸香木成大積

仲夏晦日神照囑之曰法華尊施爾克修之梵網明誨爾克遵之惟繫心法界身如火如則一聚之燼乃三昧之益喜見精進以奉淨明真供惟子行焉師奉教致謝四衆端坐新塔火光屬天了無傾側舍利晶耀求者咸如其願乃瘞餘骨於山西衢之祥符懷襲與師爲同學又同修三昧云

法師源信日本國十大禪師也咸平六年遣其徒寂照持教義二十七問詣南湖求決法智爲其一一答釋照欣頌歸國信大服其說西向禮謝



南湖懺首文敏知客子謙同沙門雲章等施芝券八道  
十道南湖首座聞熏施芝券八道

諸師列傳第三

佛祖統紀卷十三

天宋景定四明東湖沙門 志磐

撰

廣智法師法嗣

神智鑒文法師

扶宗繼忠法師

超果惟湛法師

四明如古法師

淨社全教法師

括蒼義詢法師

四明蘊恭法師

金文冲霄法師

法昌本誠法師

日本紹良法師

神照法師法嗣

法真處咸法師

神悟處謙法師

檀菴有嚴法師

能仁法寶法師



天台寶藏法師

承天懷雅法師

承天元操法師

錢唐義全法師

天台左仲居士

南屏法師法嗣

第二世

慈辯從諫法師

群峯泰叔法師

法照用文法師

超果會賢法師

法慧宗正法師

東安景初法師

南屏靈玩法師

東吳文詡法師

錢唐如詢法師

三學法師法嗣

三學若水法師

浮石法師法嗣

景雲溫其法師

天柱守孜法師

浮石懷月法師

婺女日東法師

廣慈法師法嗣

妙悟希最法師

懺主法宗法師

妙果子良法師

餘慶思辯法師

浮石惟清法師

龍泉覃異法師

雷峯戒珠法師

廣智法師法嗣

第二世

法師鑒文四明人。賜號神智。為廣智得法。上首繼席。南湖大揚祖父之化。嘗曰。我由釋迦佛得出家。問道。



由智者大師得依師學教乃日課佛祖號千聲夜禮  
千拜用爲報恩未嘗以事廢

法師繼忠字法臣永嘉丘氏父母求嗣佛祠同夢一  
僧授以子云螺溪尊者寄汝養之母娠即厭葷血頗  
見佛像必致敬八歲入開元蒙恩得度即詣南湖依  
唐智學勞苦得疾乃行請觀音三昧蒙大士放光以  
永灌頂其疾即愈既而洞悟教觀無所凝滯廣智深  
器之時令代講雪竇顯禪師見而歎曰四明之道爲  
有傳矣永嘉士庶請居開元東閣遷妙果慧安退隱  
江心研精禪觀出主西湖法明學者驟集有欲革大  
其居者師曰施者方受其福吾忍毀之乎每歲正月

上八於郡中授菩薩戒行放生事士庶嘗至數萬人  
每誓於衆曰入吾道場而歸命三寶者縱未得延  
生生世世不失人身正見出家求無上道行法華光  
明彌陀觀音三昧日不虛過誦咒救疾神應莫測每  
入市坐者避席行者避路舉首加敬稱爲戒師元豐  
五年十月八日沐浴更衣集衆說法結印半亡人見  
赤光徹照空表淨社全教夢金甲士告曰今夜得道  
人入滅慶恩希妙夢神人告曰忠法師已生兜率師  
久行施食後雖有繼鳥雀悲鳴三日不下葬于瑞鹿  
山傳法者及百人著扶宗集五十卷集十諫指迷按  
膜十門析難及十義書等用昭四明獨得祖道之正



至於所錄二師口義後人頗怪其冗雜

法師惟湛義烏宋氏父母遇異僧謂之曰汝當生子  
六人第五者宜令出家後入道雙林覃恩得受首謁  
神照未久復往依廣智堂白智曰大師所授我所不  
疑若圓頓絕待之旨當須自得後忽於廣智言下豁  
然有悟與上流交論莫不推服初敷講于雲間超果  
大揚化道天台一宗盛于三吳自師始熙寧六年三  
月八日建光明會遽謂衆曰吾今報緣止此即舉涅  
槃遺教殷勤囑累趺坐而逝火浴之頃舍利粲然塔  
于西余山海慧若圓爲門第上首

法師如古四明人

二師口義序云學廣智得其旨見前輩編

類集初無詮次於其參以三部之文節略成類以行  
於世掌注金錫言簡而義正學者宗之住錢唐因果  
法師冲霄父學廣智號稱具體初開寶中太法師全  
曉舍于大梅之山吳越忠懿王仰其德錫帑金改建  
爲院及賜經卷一藏院成乃名金文曉亡高第正和  
嗣之霄又和之嗣也師以其居稍隘始與其徒遷築  
于柏巖峯下大開廣智之道治平四年上于朝賜額

慧照

郭暨作記廣智立石

法師本誠四明奉化人依南湖學廣智志尚靜退乃  
間居于法昌禪誦並進入欽隱德院主更建衆宇久  
不克就師慨然自誓曰昔智者造三十六寺像八十



萬軀今吾徒豈於一刹而不能成邪即率同志化邑人得錢二百萬并力以營殿與像俱畢事著作即俞充爲之記謂師有得於畢竟空中熾然建立之義云

神照法師法嗣

神照下第二世

法師處咸天台王氏母夢白雲自天西來入室內化爲白馬因而有娠七歲入國清依師十四受具戒即自歎曰佛法廣大若不力學何能見道乃入天封閱藏經三年而畢及往謁神照深悟教旨恭默自遜人莫能測神照嘗託疾命師代講衆譏一聞心容俱服初住赤城崇善姑蘇李庭芝將守台夢神人曰公與天台五祖臺下有龍頭九九和上宜就見之到郡證

法師住赤城山土師曰天台五祖昔居赤城今成師住此主於丙辰九月九日其龍頭九九之謂乎庭芝大悟即往謁見師爲談出世道深有契會以寺宇隘陋謀遷之庭芝肯捐金帛乃卜就東南地開基之日獲銅鑿于土中少師李公尤尊敬請主白蓮奏揚法真之號居山五十年登門受道者萬數元祐元年正月法鼓擊之不鳴者七日至七月告衆曰二十三日吾將行矣遂唱衣盂飯衆爲別戒待若宸極焉

庭芝我至時徐起趺坐寂然而化著三慧論光明十

王續神照行法經疏行於世

庭謙永嘉潘氏母感夢見瑞雲入懷歷三年而



生九歲依常寧契能出家章聖在御覽見得及能  
元年封泰山高天即往學于天竺慈雲異之曰是能  
下寺觀各度一人據云吾道者復謁祥照大明圓頓之自然三指其掌  
經妙悟未幾推居第一座神照以正觀一袂之  
目汝當建大法幢恨吾不之見耳既而言歸鄉已  
能師之席遷慈雲妙果城諸道益振少師李端愿  
請主白蓮北海郡王為請神悟之號丞相王安石與  
一時朝賢競為歌詩以贊其德郡大旱要師祈雨師  
至龍湫語曰汝受智者大師付囑遇旱當施甘露何  
不憶邪忽大風黑雲從湫起驟雨如注閱十七年將  
歸東萊郡侯士庶固留演教乃於巾子山慧林精舍

講小般若後時杭師社無釋以對周請趙清獻以爲  
住議內翰楊繪以南屏請紫微陳舍人以天竺請十  
坐道場閱四十年講唱不倦登門三千人稟法者三  
十人熙寧乙卯四月丙寅晨興沐浴更衣集衆諷普  
賢行法阿彌陀經乃曰吾得無生日用久矣今以無  
生而生淨土即入定寂然塔全身于南屏之右弟子  
良弼請無爲揚鐸銘其塔云師宣解十不二門題曰  
顯妙於色心不二云分色心者不二而二妄之境也  
其體一者二即不二妙之門也故以揔別斷盡十門  
二不二相使粗妙昭然門旨不壅是知境妙不二之  
門在乎一念色心得此之門寶乘即乘道場可到



法師有異合之臨海胡氏母將孕號痛頓仆其兄沙  
門宗本曰是必有異若生男當出家母聞之合掌以  
誦咒而痛止果生男六歲依靈鷲經師十四受具戒  
開導禪師心賦若有所悟即往東山學于神照一心  
三觀之道法華三昧之行莫不神解而躬行之時法  
真同居會中謂之曰子雖晚出當成大器嘗讀止觀  
至不思議境曰萬法唯一心心外無一法心法不可  
得故名妙三千法真益嘉歎之初主無相慧因法真  
自赤城還東掖舉師以代常謂去佛久遠人迷自性  
凡宣演之際必近指一心使之易領聞者皆能有入  
紹聖中郎請主東掖師曰智者年未五十已歸隱矣

吾老矣可堪此邪卒不赴遷居故山東峯廬于檀木  
之旁因自號曰植菴

文集中有植菴  
記辭理極奇清

菴一鉢無長物

躬拾薪汲水食唯三白毗尼條章輕重等護二十年  
事事淨業以安養為故鄉作懷淨土詩八章辭情悽  
切人多樂誦常時所修三昧多獲瑞應施鬼神食除  
病卻學驅蛇去蟻水卓襴僧一為課誦如谷響響母  
病目師對觀音想日精摩尼手母即夢師警曰當前  
覺而目明建中靖國元年孟夏定中見天神告曰師  
淨業成矣又夢池中生大蓮華夫樂四列乃作餞歸  
淨土之詩越七日趺坐而化以陶器塔于菴北有光  
在塔如月三夕乃沒師淹貫藏經該通書史注安樂



行空品及法印經疏玄義備檢文句箋難止觀助覽  
阿彌陀禮文又撰或對一編辨論古今於茲為要  
左仲臨海人從東掖神照授菩薩戒及為說大乘法  
要豁然開悟有如夙習神照對衆摩頂與記自是嚴  
奉戒律遇事不易其節刻西方三聖像旦夜虔事誦  
法華三千四百部金剛般若二萬過紹聖二年秋卧  
疾命子僧淨圓唱法華首題增受菩薩戒夢三偉  
人立于江臯召伸登舟瞥然西邁伸知往生有期乃  
請僧誦阿彌陀經未徹即云我已見佛光矣遂沐浴  
更衣戒左右勿哭勿逼吾前稱佛結印而化

南屏法師法嗣

南屏下  
第二世

法師從諫處之松陽毛氏幼見佛經輒能自誦父  
再來人也年十九試法華經得度即謁上竺辯才夙  
夜聽習復往依南屏于金山問辨如流南屏歎曰吾  
道由子而行也熙寧中講于明慶徒衆日蕃乃遷淨  
住元豐初蜀人建壽聖迎居之越三年辯才主南屏  
自以年老屈師首衆嗣歲舉以自代元祐五年上竺  
虎巖辯才囑郡守蒲宗孟曰靈威勝迹非從諫不足  
當郡用其說復為奏賜慈辯之號義天僧統自高麗  
來求法郡以師應命義天慕法留滯中國朝廷以其  
國母思憶促其歸師諭之曰高僧道紀負經遊學以  
母不可舍遂荷與俱謂經母皆不可背以肩橫荷今



僧統賢於紀遠甚豈爲經世母使憂憶乎義天於是  
有歸志乃求鑪拂傳衣及詣智考誓誓之曰已傳慈  
辨法師教觀還國流通乞賜冥護既歸乃建刹立像  
尊爲始祖大觀二年辭歸壽聖久之門學車溪普明  
等十人詣師省候師曰諸子遠至後會無期老僧不  
如乘輿便行遂沐浴更衣升座說法書偈安坐而亡  
葬全身于受業

法師會賢早爲南屏高第初弘教於華亭超果學者  
如市將行化外邑必得老成貳譎者乃擊鼓集衆其  
人對衆答曰必欲代譎於老師凡所說義許悉破之  
師忻然曰幸蒙破立祖道之光也

述曰南屏晚見法智其所立義有時而建今賢師  
所說不爲貳譎之見取疑此師一稟南屏之言故  
貳譎得以破之然世無聞其名可謂烈士乃師忻  
然許其破不以爲忌真賢乎哉

### 三學法師法嗣

法師若水三衢人久依三學號爲有成欲事廣詢乃  
易名若水外現末學處處遊歷初住天柱崇福講演  
不倦課密語有神功祖忌將臨戒庖人備芽筍庖以  
非時日暮嚶孟水於後圃夜聞爆裂聲明且視之筍  
戢戢布地矣民人以疾告咒水飲之愈者莫紀其數  
淨石法師法嗣



法師湛其金華人依浮石學教爲成才治平初於城北葺景雲舊宇以開講席夏大旱日演光明經虔扣諸天已而甘澤徧洽郡守廬革爲奏其地永爲天台演教之所賜師法雲之號嘗造九祖像極爲精麗東陽教學之行師之力也弟子七十二人普月大師善甯主慈覺化成一境居士景德有虎子之稱

廣慈法師法嗣

法師希最雪川施氏賜號妙悟內歲出家以天禧覃思得度年十五傳教觀於廣慈同門畏愛號爲義虎治平中始敷講於嘉禾隆平繼徙居于勝果有空室崇所棲師咒土擲之得片紙書今被法來遣若法力

沒當復來此數日擊鼓震火變怪百出師訂之曰不聞惱法師者頭破作七分乃爲廣說輪轉因緣衆僧聲咒爲其破障忽空中轟然擲朱書云漢朝烈士沈光太略悔過且云蒙師說法之力當往生他化天自此遂絕師因淨覺皆宗上十諫書法智作解謗淨覺復作雪謗非法智在茲不復答淨覺在靈芝對衆訖曰只以難殺四明師誰向靈芝敢開口師不甘之乃作評謗以批辨之其略有云近觀雪謗盛製所謂救生法二身實增我二謗者也然此書一往可觀其研有失所謗非已煥然雪謗猶自永執今據吾祖之格言以評閻烈之謬解淨覺見之曰四明之說其遠



行乎元祐庚午秋集衆書偈安坐而化闍維之日得舍利數百

述曰淨覺既起破師論及雪謗之出而法智已  
在疾不復辨於是淨覺自謂已勝無忌憚矣不有  
妙悟誰能評之起四明之宗以信後世者於妙悟  
功最高

法師法宗錢唐顏氏十歲依廣慈爲師十二受具戒  
專研教觀十九從廣慈初師服勤十年廣慈間召  
歸侍左右日親法誨依止觀修大悲三昧綿歷九  
成人目之爲戰主凡禱事祈疾悉獲聖應建淨土道  
場西方三佛暨五指供佛每月集四十八人同修

淨業各地賢士多頌其會政和丁酉春微疾夢彌陀  
聖衆授手接引後三日浴身易衣盥口趺坐條然而  
逝師素聞天竺光明懺明之勝因預同修至五日於  
淨觀中見慈雲法師侍僧數十師作禮問曰自昔同  
修者皆得往生否慈雲曰後之元照已得往生擇瑛  
尚欲三塗弘經後時瑛師汝且勤修以成本願言訖  
而隱

法師覃異餘姚社氏師龍泉清序遇皇祐普度恩得  
剃髮習教觀於天竺明覺後入雷峯廣慈之室孜孜  
扣峰二十年無倦志學成歸里敷講故山專勤淨業  
誦法華至五千部普賢彌陀誦各萬卷學寧元年秋



示疾集衆告曰吾生淨土時至當乘金臺隨佛西邁  
即澡身端坐結印而逝火餘舌根舍利如綴

諸師列傳第三

白衣廣仁首座法雨化應氏謄真應氏靖修芝會一  
十道

諸師列傳第四

佛祖統紀卷十四

天宋景定四明東湖沙門

志磐撰

神智文法師法嗣

廣智下  
第三世

明智中立法師

文慧宗正法師

空相思恭法師

扶宗忠法師法嗣

草堂颺元法師

永嘉法詮法師

超果湛法師法嗣

海慧若圓法師

法真咸法師法嗣

神照下  
第三世

白蓮道卿法師

安國元慧法師



四明淨果法師

神悟謙法師法嗣

北禪淨梵法師

德藏擇玳法師

壽安良弼法師

一相宗利行人

檀菴嚴法師法嗣

天台法麟法師

慈辯諄法師法嗣

南屏下第三世

車溪擇卿法師

圓學慈法師

白蓮善珪法師

金華子方法師

淨住思照法師

天台應通法師

慧覺齊玉法師

普明如靖法師

天竺應如法師

佛智慈雲法師

慧覺清月法師

上竺明義法師

群峯初法師法嗣

梵慈智普法師

南屏文法師法嗣

憲章仲閔法師

超果賢法師法嗣

精微彥倫法師

寶積彥端法師

法雲宗敏法師

佛聖智堅法師

圓明普賢法師

高麗義天僧統

清辯慈齊法師



景雲其法師法嗣

覺慈善高法師

景德居式法師

神智文法師法嗣

廣智下  
第三世

法師中立鄞之陳氏賜號明智母夢日輪入懷遂有娠夜不三浴則啼號不止九歲出家于角東之棲心受經一誦永憶不忘治平中試經開封府中選得度初依廣智學教觀及神智繼主南湖復依之熙寧中神智開憊設問答者二百人無出師右乃舉居座元父之去謁扶宗於永嘉將歸宗曰子行必紹法智之席及神智謝事乃俾師爲繼元祐初高麗僧統義天遠來問道甫濟岸遇師升堂歎曰果有人焉遂以師

禮見傾所學折其鋒竟不可得師令門徒介然始作十六觀室以延淨業之士已而辭去曰吾年六十當再來即退處東湖之隱學數年郡太守王公勉主寶雲一新棟宇於伽藍神腹得願文云後百年當有肉身菩薩重興此地聞者異之後退隱白雲菴日宣止觀至不思議境歎曰吾道至此極矣有不思議境則有不思議心乃作不思議辨正又指五章裂大綱曰寄果明因以成解行舉佛攝生全生是佛作止觀裂綱指歸釋疑文慧正師亡郡請再主延慶果符六十再來之言尊升座說法慈雲無盡下座問侍者曰吾適道何語侍者答以所聞師曰吾覺身心同太虛空



殊不知語之所出也。歲懺行江浙，慶為最盛。擇其徒修法華懺者七年，行法將圓，禪觀中見一大舟，衆欲乘而不可。唯師坐其中，以行。自是辯慧泉涌，超勝於昔。政和五年四月辛亥，謂門人法維曰：「吾聞異香，心甚適悅。」謂觀堂行人曰：「吾當與汝輩長別。」即面西坐逝。塔于崇法祖塔之東，講三大部淨名光明，數十過誦法華，踰萬部。與人除病，卻鬼，救災旱，不能畢記。其驗孔老之書，無不遍讀。其對儒士講說，則反質之曰：「此道在孔聖如何？」在詩書如何？儒士不知對，則援引委辦之曰：「無乃若是乎？」門者心服而退。師在永嘉，扶宗謂曰：「吾常見摩利支韋馱於夢中求護法，

他日幸於南湖懺室置其位，及師主席，乃立像自師始。陳瑩中尊讚師曰：「嚴奉木又堅，持靜慮以身為舌說百億事。」言戒定慧皆備具也。

法師宗正賜號文慧，依神智學教觀，深造閭域。治平初，繼主南湖大弘宗教。先是寶雲祖藏骨於育王山西北隅，後七十七載，師自南湖往禮敬，顧梵壁有毀，將遂蕪沒，乃飾土累石，起方墳以顯其處，且復為石塔記以識其事。時謂微師此文，寶雲之藏幾不可考。法師思恭湖之烏程人，賜號體真。年十九，剃髮，即詣神智學教觀，及歸里時，空相廢于積潦，師克志興復，為屋三百楹，從容無求而施者自趨。功成修長懺三



載以答志願及老歸吳山解空建炎元年九月別衆  
坐逝茶毗煙所至皆舍利塔于院東南隅弟子戒  
澄等四十三人皆傳道有成分化泐水

扶宗忠法師法嗣

法師處元永嘉人父參扶宗遂繼法明之席郡侯仰  
其道化任以僧正澄清品流莫不厭服所著輔贊記  
三卷其論經體則推本法智廣智源流之說論無住  
本三種觀法答扶宗通相三觀其說明正學者宗之  
崇寧二年問若東溪草堂述義例隨釋六卷初荆溪  
以止觀文廣例爲七科名爲義例俾學者知解行之  
大旨雖法智製述之多不暇爲記師因義神智爲纂

要以初乘觀法性德之境爲真如理觀修德之境爲  
唯識事觀師謂在妄徒疑後學乃決志註釋以斥衆  
要之非

法真咸法師法嗣

神照下  
第三世

法師淨果四明人學法真爲高第撰金剛經疏欲講  
即講不俟衆集有臣律師者入冥府司名者曰誤追  
也臣潛窺其籍有云明州淨果開梨誦金剛般若經  
一百遍既反詣師以問師曰但十遍耳恐以義勝表  
爲百遍

神悟謙法師法嗣

法主淨梵嘉禾人姓竺

音

母龔氏夢佛光滿室遂有



娠及生因名佛護十歲從勝果師求懺主出家常念  
阿彌陀佛或問年少何為念佛答曰我欲往他方丈  
求挂搭去年十八受具戒即依超果湛師學未久復  
往謁神悟屢親講說大契夙心元祐初主姑蘇大慈  
講三大部十餘過餘文稱是受業門生殆徧吳地信  
人稟戒幾滿城邑尊率二十七人修法華三昧以二  
十八日為期如此三會咸皆賢大士授戒羯摩至稱  
淨梵比丘則洪音震響如撞巨鐘三昧將圓有二僧  
作禮曰今春到石橋禮聖迹忽見空中散華異香非  
常一僧遽曰姑蘇梵法主期懺散華至此語畢不見  
因求瞻禮長洲令黃公彦刻記于石云異哉師之道

力其與北京進法師夢釋迦授戒南岳夢四十二人  
加羯磨法異世同效師製期懺規式二浙至今行之  
雖依誠譯光明別製懺儀與衆同修感格屢見禪觀  
之驗衆見金甲神王跪於座前後於一處期懺見韋  
天按行懺室行人有遭其點察者輒障起而退夜居  
西院時暑酷熱衆不安卧師方披三衣坐水閣上忽  
風雪飛集涼氣逼人且謂衆曰夏行冬令衆皆歎仰  
知為神龍胡衛夏熟為涼也元符中夢黃衣諸至官  
府王者迎就座令吏檢校簿籍云淨梵比丘屢經多  
劫長誦法華王即起頂禮遣使送還政和太守應  
公婢為祟所燒歌笑不休請師施戒即刻神定葛氏



講師爲亡夫施戒即見夫恭敬於師遠座三匝稱已  
得許脫宣和初郡守賈公敬師高行補爲管内法主  
建炎元年十月坐亡闍維得舍利甚多藏塔于橫塔  
般若

法師擇瑛嚴之桐江俞氏母夢二日貫懷後二歲產  
二男俱出家皆試經得度長名子欽受業錢唐淨住  
次即師也入道于杭之壽寧熙寧中參神悟於施水  
寶閣深悟止觀之道閱不二門金錫不寢者數月以  
所得曰師神悟曰法華妙旨歸乎自心耳善護持勿  
自輕也當湖魯氏於德藏剎一院以迎師大開法施  
久之邀遊杭秀蘇湖間元符二年春於杭祥符示疾

能奮身往凡西向誦彌陀經卷終而逝掌述淨土修  
證儀其讚有阿彌陀佛真金色之偈至今人皆誦之  
又辨西方此土二種觀門之相以勸專修淨業者文  
淨土  
本傳

行人宗利會稽高氏七歲受業於天華既具戒往姑  
蘓依神悟即入普賢懺室要期三載忽夢亡母謝曰  
蒙汝懺切已獲生處又見普賢從空過前懺畢復往  
靈芝大智律師增受戒法夢大智在座呼宗利名  
口吐白珠令吞之又於靜定中神遊淨土見寶地道  
華寶林境界尋詣新城碧沼專修念佛三昧經歷十  
年復遊天台鴈蕩天封皆建淨土道場晚歸受業天



華嚴無量壽佛閣接待雲水政和元年天旱詣日鑄山禱雨祈雨感龍王現金色身甘雨沾足建炎末入道味山題所居曰一相菴會稽道俗請師主繫念至第三夜繪像頂珠忽放光明大如箕預會者皆堅固紹興十四年正月晦告弟子曰佛來也吾將歸安養矣晝頌爲別曰吾年九十頭已白世上應無百年客一初道人歸去來金臺坐斷乾坤窄端坐即逝是日近山人見異僧滿山谷莫知所從來瘞全身於菴居之後

法師恩照錢唐陽氏十四歲從淨住從雅聽法華方等於南屏後主東掖夢神悟大有契入既而刺血書

法華七軸專修念佛三昧築小菴曰德雲後遷小閣爲觀落日之所刻三聖像每夜過半即起念佛月二十三日率道俗繫念終其身三十年一旦語其徒曰夜夢佛金身丈六此往生之兆也請僧七日以助念佛屈指作印奄從坐化時宜和元年春也閣維之際頂骨牙齒皆瑩明如玉五師於淨土七經一字一禮華嚴首楞嚴金光明無量壽普賢行法遣教梵網無量義略教誡四分戒本皆然唯法華十過揔得二百七十卷誦法華千部無量壽佛經五藏阿彌陀經十藏云

慈辯諫法師法嗣



法師擇卿天台人天資聰敏博學強記受教於上竺  
慈辯嘗曰四明旨意吾已得之唯起教觀信之未及  
然不教不信也初主車溪壽聖車溪屬三州四縣東  
各青鎮古塔元祐二年初建壽聖院請師開山高宗朝改廣福未嘗屈節豪貴後  
三百施者自至年三十後即廢卷憚坐晚居車溪每  
遇譁演但令侍者日供講快辯說如流聽者說服意  
解衆應領徒三十人至車溪值說無量義經聞衆難  
云妙樂有云能生一實法華異名所生無量爲法華  
序不知能生一實是隔偏之因即偏之因所生無量  
是同體之權異體之權應語同行曰此師言有典刑  
足堪問道即求依止有不循規者悅衆以問詢其名

則指玄川觀二師師曰此二人教門大才也弗之問  
彈夜坐方丈月印海有天樂擊鐃入迹之聲出明師  
房師附壁觀之見朋觀數輩於燈前戲弄手作無  
聲樂師益異之平時喜茶臨終之頃謂門人曰晨鐘  
鳴即來報至時啜茶一甌書偈而化時大觀二年仲  
冬也塔于院南芙蓉浦

法師齋玉以師許雪川人尚書莫公支子也法苑  
慈覺早親釋學日記數千言始參祥符神智後依慧  
辯一日起僧次遜辭之或問其故答曰誠不欲五千  
之利而喪一日之功慈辯得通相三觀之旨秘不告  
說師墨托不已乃於密室跪鎮以授初出居茗溪寶



歲終大興淨業之社遷橫山立丈六像率道  
僧淨行中夜告衆曰我輩未念佛時心隨塵境作  
諸不善犯一吉雖尚受九百千歲地獄之苦况犯篇  
聚重罪乎七五篇今若念佛則可一念能滅八十億劫  
生死之罪况又父母生我令我出家理當度脫以報  
重恩今若破戒墜陷則父母豈不失望大衆聞之無  
不傾誠懺悔舉身自撲至損額失聲者七五篇  
未信之嚴宣和六年遷居上竺先是慈辯之去  
者或不報學徒謀曰得玉公乃興郡守劉彥曰  
乃具禮以迎譚道敷化不異慈辯生中夜頂像行道  
一偈法法華責之曰汝無知乃畜生耳已而悔曰彼

不別罵為畜生有玷三寶自是三年對佛悔過歲六  
早并竭師運心寄禱夢水出西坡且掘之清流涌出  
因名夢泉建炎元年秋謂首座修慧曰吾牀前多寶  
塔現慧曰和上流通法華之瑞證也師曰所願見阿  
彌陀佛耳即集衆念佛頃之舉手加敬曰佛已來接  
也端坐合掌而化葬于山西草堂之側謚妙辯塔曰  
慧寂門弟傳教者密印大師修慧等二十人於著普  
賢行法經疏及自釋疏祖源記無量義經疏雜珠記  
釋山安般守意法門尊勝儀法

法師蘊慈四明慈溪人賜號圓覺初依壽安弼師既  
而復謁慈辯其學大成時門下十高第師為說法第



一初居西湖菩提遷舍稽圓通崇寧初能仁極高以  
師爲請有文首座能行人各然二指構佛冥被師既  
至一衆說服羣因暑熱譟散偃息卧榻適首座至白  
曰此山師席講退之頃不入僧室則居禪堂未有高  
枕自安若師媿謝曰敢不承教自此祈寒盛暑不敢  
少懈每當如廁則沐浴更衣雖行道遇雪必手掬以  
爲淨著十類說權實指迷世行其文

法師如靖賜號普明早入慈辯室杭人有以私憾害  
其兄者後深知悔以問一律師答之曰殺人償命何  
足爲問其人即投西湖而死欲償兄命免爲後怨既  
不報兄父悔投水因衆人入雷峯受戒鬼隨以入聞

戒師說人造罪許懺悔其鬼乃怒律師蚤知可悔必  
不投水自夜隨律師索命語以修薦百方皆辭久而  
言曰爲我請靖佛子施大乘戒則可脫及爲授戒法  
乃見形致謝而去後主覺悟學徒雲擁唯一室空閑  
云有惡鬼居之師中夜入室坐禪忽聞哮吼見一人  
頭飛走地上俄化爲人師謂之曰汝何得擾人鬼曰  
九出見入本欲求度人見自畏非擾之也師乃爲說  
法授戒語之曰汝可入吾袖鬼即如教覺重甚攜至  
林中放之化成天人殷勤謝師飛空而沒建炎二年  
遷上竺初是有爲鳴童卦者或以上竺住持爲問童  
示待問土地良久曰今早天符已下請靖法師矣閱



月而師至三年十一月金虜破杭師頽感夢知此山  
厄運不可免語其徒令避去及虜至或謂可以禮迓  
即聲鐘集衆虜疑其將抗已放兵大掠火其屋而去  
述曰靖師之德可以脫索命之鬼可以度空室之  
祟可以感上天之符而不能卻兀木之寇止上竺  
之焚蓋當群生同分業感其厄火災所不得而幸  
免也

法師應如婺之浦江胡氏默記多聞尤善持論來學  
上竺慈辯深器之嘗往靈山訪同志出大能義反獲  
辨詰彼義隨負師叩謁竿繫帛謂之曰西竺破敵則  
聖勝勝道場降魔亦表勝相今法戰旣勝當揭一竿

人畏其烈自之虎子初慈辯得南屏通相三觀之旨  
秘不授入玉慧覺祈請尤力許中夜為密說師知之  
陟梯揭瓦伏身竊聽飛雪翻空背若被鐵且曰慈辯  
曰我於通相三觀若有冥授即錄其言以示一衆慈  
辯怒曰應如盜法紹聖初主越之間通聲因誦散謂  
侍者曰今日東風吹教法過湖西去使眼中有耳者  
行以有聞師三十歲便亡卷每臨座侍者供講帳以  
俟紹興三年遽上竺兀木焚蕩之餘唯存藏室有勸  
化人瑩建者師曰我但流通大法耳他日自有修造  
者至乃師亡普覺惟日果以繼席興土木事五年九  
月車駕幸大士殿師奏對如流上喜賜萬歲香山以



供大士師不尚著述，彙以偈示人曰：吾傳智者一性之宗，三千寶相妙空假中。一念法界生佛體同，凡聖一如善惡理融。此虛身土湛若虛空，達斯旨者法法圓通。左之右之受用無窮，山家稱如虎者三人。神照本如內明道如，未詳及師也。一夕別大眾歸寂而終，塔於寺西北隅。嗣法崇先，懷志白蓮，慧仙皆足世其業。師有教義名指難集。

法師宗敏，秀常湖魯氏，名幾也。賜號法雲，年十五具戒，徧參禪席。如超果、照廣、化明、南屏，玩無不歷。事後入慈滿室，頓有發明辯議。苴座非其才，乃請與之。杭

智將之奇時來謁，問楞嚴大旨，為談心要之妙。之奇

言下有契，敬以師禮。久之，退報恩六一泉之上。是

勸師與歐陽公為詩友，東坡各共泉為六一。安坐三十年，世高其風。元木

陷杭寺，為煨燼，乃還止。當湖菴居，紹興七年冬示寂。

命以衣孟修報恩塔，即山椒而葬焉。後十八年，有司

以其地為延祥觀，遷其塔于山北鳥窠之側。弟子慧

靜取全身，閣維之，視容貌如其生。薪盡火滅，收舍利

百粒如菽。

僧統義天，王氏高麗國文宗仁孝王第四子，諱榮，出家封祐世僧統。元祐初入中國，問道至四明郡，以明智慧照館接之。義天上表乞傳賢育教，敕兩街舉可。



授法者以東京覺嚴誠禪師對誠舉越唐慧因淨源以自代乃敕主客揚傑送至慧因受法者利迎送如行人禮初至京師朝畢敕禮部撫軾館伴謁圓照宗本禪師示以宗旨至金山佛印坐納其禮揚傑驚問印曰義天異域僧耳若屈道徇俗諸方先失一隻眼何以示華夏師法乎朝廷聞之以爲知禮至慧因持華嚴疏鈔咨決所疑閱歲而畢於是華嚴一宗文義逸而後傳及見天竺慈辯請問天台教觀之道後遊佛隴禮智者塔爲之誓曰已傳慈辯教觀歸國敷揚願賜冥護見靈芝大智爲說戒法請傳所著文既還國乃建刹號天台奉慈辯所傳教文立其像爲初祖

歲遣使通音問及施金書華嚴三譯於慧因建開藏之今俗稱飛山別傳議爲跋曰甚矣古禪之與今禪名實相遠也古之所謂禪者藉教入禪者也今之所以禪者離教說禪者也離教者執其名而遺其實藉教者因其詮而得其旨救今人矯詐之弊復古聖精純之道珠公論辯斯其至焉近者遼國詔有司令義學沙門詮曉再定經錄世所謂六祖壇經寶林傳等皆與焚棄而比世中國禪宗章句多涉異端此所以海東人師疑華夏爲無人今見飛山高議乃知有護法開士百世之下住持末法者豈不賴珠公力乎

戒珠依別傳議於禪教之際深  
有發明壽九十三葬骨飛山



述曰昉師辨祖謂智炬撰寶林傳說百端如達磨隻履西歸立雪斷臂等事與南山續高僧傳多不同云世又謂壇經談性不異吾宗而於念佛求往西方有似貶斥義天言遼國焚棄二書者蓋以此也

南屏文法師法嗣

法師仲閔三衢人受業祥符來依南屏文師以雄辯見稱義虎政和初還鄉主浮石學者驟至嘗放言曰吾座下不五百衆不講大部故一生唯講光明觀音云順寂之日集衆升堂登師子座趺足而坐忽見銀臺自西至師曰吾平生解第一義誓取金臺今乃若

此瞋目而化所書憲章集五卷其自序曰釋氏子有所迷必求公卿爲之序其首跋其尾駕其說俾行于世且衣冠之士豈知吾之是識吾之非儻是而無序天能喪乎哉或非而有序人能駕乎哉

超果賢法師法嗣

法師彥倫學超果賢師爲有成大觀元年主仙潭撰教義名精微集四卷賜號妙慧又撰金剛經疏二卷法師蒞齊錢唐周氏號清辯幼歲試經得度俾教觀于法明會賢師常患疫疾百藥不治遂力課觀音尊號夢一婦人以鑿開其胃易其心手捫摩之患即愈時昔所覽靡不通記走筆成章率歸典雅咸謂詩才



之證主錢唐道林常熟上方姑蘇東靈錢唐南并姑蘇廣化三衢浮石政和中復歸上方間居于東方丈述頂山記釋天台戒疏凡三卷建炎四年正月集眾誦彌陀經稱佛號畢即刻而化塔舍利于上方門人法清及景德法雲克傳其道雲編翻譯名義七卷大為梵學檢討之助頗亦附以教義云

景雲其法師法嗣淨石下第三世

法師居式金華人嗣景雲住景德撰圓覺疏四卷

諸師列傳第四

諸師列傳第五

佛祖統紀卷十五

天宋景定四明東湖沙門

志磐

撰

明智立法師法嗣廣智下第四世

澄照覺先法師

慧照法鄰法師

圓澄智謙法師

四明法維法師明智

定慧介然法師

待制晁說之

諫議忠肅公陳瓘

草堂元法師法嗣

息菴道淵法師

安國惠法師法嗣神照下第四世

智涌了然法師

真教智仙法師



白蓮梵章首座

白蓮卿法師法嗣

天台淨佺法師

北禪梵法主法嗣

北禪慧深法師

頂山子文法師

超果慧道法師

德藏瑛法師法嗣

北關思淨法師

壽安彌法師法嗣

教藏有全法師

飛英智訖法師  
通照慧明法師

東溪卿法師法嗣自昇下第四世

竹菴可觀法師

牧菴有朋法師

祥符道忞法師

慧覺玉法師法嗣

清修法久法師

澄覺神煥法師

假名如洪法師

密印修慧法師慧明傳

慧解曇應法師車溪傳

慧照道倫法師

北禪法榮法師

北禪文俊法師

圓覺淨圭法師

圓覺慈法師法嗣

法照中皎法師

神慧敏齊法師



能仁文首座

能仁能行人

普明清法師法嗣

圓通思梵法師

普圓善期法師

天然如法師法嗣

崇先懷志法師

宜秘慧仙法師

普圓青證法師

法燈道遵法師

餘姚行澄法師

法雲敏法師法嗣

樞密蔣之奇

佛智雲法師法嗣

法照淨通法師

佛照堅法師法嗣

神辯覺淨法師

華慈慧序法師

梵慈普法師法嗣

圓照梵光法師

東靈智欽法士

憲章閑法師法嗣

餘慶道存法師

清辯齊法師法嗣

景德法雲法師

上方法清法師清翳傳

明智立法師法嗣

法師覺先明之慈溪陳氏號澄照七歲受經一讀成

誦初稟教于明智既得其傳復請益於慈辯清辯



詣益深靖康初主奉化之寶林會春早邑請誦金光  
明終卷而雨三日因勉邑人建光明幢誦經萬部為  
邑境之護遷主延慶大弘宗教久之復歸寶林築室  
曰妙蓮復誦滿萬部持淨土佛號四十八藏摘經疏  
名言以資觀行目曰心要紹興十六年正月十四日  
說法安坐而逝塔于寢室之側他日有夜聞誦經聲  
迹所自出塔中後月堂居南湖謂師於延慶有傳持  
之功而塔在草莽乃令遷之祖塋及開土見桮索不  
朽骨若青銅在山負反木丁

法師法鄰賜號慧照早為明智高第屢居座端道業  
詞章衆所推服高麗義天至首入南湖師別駕河父

慧照請跋所受教乘歸國師援筆立成有古史風義

天嘉歎不已

文見名文

郡命主三學講演之盛亞于

南湖嘗謂門人曰余嘗勸人以二戒三十已前未可  
念阿彌陀七十已後不得持消災咒謂少不知進老  
不知止也時人然之

法師智謙賜號圓澄學于明智紹興庚辰主寶雲每  
念寶雲為四明傳道師自遷骨烏石其迹寢晦乃力  
搜訪得正法師所撰石塔記重刻于烏石之菴又於  
寺闢堂設像表示後世云

法師介然四明鄞人受業福泉山之延壽明智居南  
湖從其學遂悟境觀之旨元豐初專修淨業三載期



補謂同修慧觀仲章宗悅曰念佛三昧往生要法也  
乃然三指誓建十六觀堂中設西方三聖殿環以池  
蓮功成復然三指以報佛恩於是修觀之士有所依  
託焉建炎四年正月七日金虜犯明州寺衆奔散師  
獨不去虜奄至訶之曰不畏死邪師曰貧道一生願  
力建此觀堂今老矣不忍舍去以求生也虜酋義之  
謂曰爲我歸北地作觀堂似此規制遂逼師以行後  
人悲思乃以去月爲之忌本相傳正月五日若依  
則云七日防尊  
乏曰定慧尊者立像陪位于觀室之隅志肇受業  
泉每聞諸老  
師說定慧是草堂一沤機  
有高行去志難爲五世云  
晁說之字以道自號景迂官至待制文元公迥四世

孫也監明州船塢常往南湖訪明哲開三千塔觀之  
說然願學通其旨晚年日誦法華自號天台叟僧  
或曰消上老法華明智沒爲撰碑而論之時稱高作  
光私云

陳瑾字瑩中南劍人自號了翁幼登甲科官至正言  
親亡之日廬墓三年天降甘露有芝草生於墓上掌  
陷音禪宗頗有省發觀華嚴了法界之旨因上疏論  
宰相章惇誦四明日與明智會因問天台宗曰明智  
舉止觀不思議境示以性奪修成無作行之事公曰  
乃知此宗性本現成又問現前色身如何觀公曰  
曰法本不生今則無滅公曰世人言其死如曰不知



如歸乃失家者自是深達境智之妙作三千有門頌  
以示明智智可之文見各文晚年刻意西歸為明智  
作觀堂淨土院記發揮寂光淨土之旨宗門雖其說  
王刻在日湖觀堂公既與諸子皆白衣未嘗懷不滿意宜和  
六年冬無疾別家人而逝紹興中贈諫議大夫謚忠  
肅公初諡四明朝廷以  
其多文士大夫移自別

述曰智者之為道也廣大悉備為其徒者自寧信  
之未足以信於人惟名儒士夫信而學焉則其道  
斯為可信也智者之世有徐陵柳顧言荆溪之世  
有梁肅李華慈雲之時有王文穆馬亮明智之時  
有晁以道陳瑩中是數君子不特知道又能立言

以贊之智者之道於是愈有光焉

草堂元法師法嗣

法師道淵永嘉人自號息菴父依扶宗深達觀道居  
西湖永明講授有法堂謂修性離合之旨指要雖示  
其妙後人或成異說師收束諸文立為二義二者約  
修三性三與修性對論三以明離合二者約修九性  
九與修性對論三以明離合初修三性三者如不二  
門性指三障是故具三修從性成三法爾又云一  
念心因既具三軌此因成果名三涅槃又金錫云本  
有三種三理元徧達性成修修三亦徧此皆性三修  
三六法明離合也言修性對論三者以修為能對性



爲所對如不二門云爲對性明修故合爲二則修二性一三法明合也次義言修九者如不二門云是則修雖具九則法身般若解脫各各具三此乃修中自論九法以明離也然法身中三雖本屬性指要判云雖慕性三成爲所發故皆屬修言性九者如光明句釋金鼓具有圓空鳴三法則是下境三諦又於圓空爲中各各自具妹大等三遂有九法既得鼓磬性德中論未涉起修此則就性中自論九法以明離也修性討論九者如涅槃經明體宗用各有三義體有槽底法宗有本要助用有本當自在此約修六性三以明離也云師示寂當盛暑停龕旬日鮮色不變白

乳流涌香若蓮華人取乳可塗面將葬路經一菴縛斷不進異香徹菴中易縛重不能舉菴主舊有微憾乃悔謝曰曾有小犯故蒙見譏乃隨衆昇之遂行葬及三年忽大風折木壞其塔備龕舍利若天章其德云

安國惠法師法嗣神照下第四世

法師了然臨海薛氏母禱山兵寺石像前即章安夢至佛殿見僧持蓮華令食之且曰汝告子當出家後十三月而孕四歲母念出家則誰當爲嗣夢神人叱之曰何爽前囑遂諾之十六具戒從安國學教觀慧解驟發嘗夢坐盤石後大海望大士坐山上竹林



問師曰平生持尊號今得見之遂正立說百篇以讚  
覺憶其半自是頓發辯才侍安國還白蓮未幾去謁  
明智智問華嚴十法界大論三世間法華十如是三  
處文義共成三千判談何云指的妙境出自法華即  
曰華嚴大論是死法門法華十如是是活法門智首  
肯之時晃說之寧得明智因與師論此道待之如同  
學四明語者道如辭氣毅然時號如虎與師難問必  
爲之屈明智舉主廣嚴師曰吾不當貴所得卒爲安  
國嗣六年還白蓮法山二十四年學者常五六百人  
紹興戊午寧海建大會請師說法有使者持牒來曰  
堯率天請師說法師曰此間法會未散使曰符不可

緩當先其次者即毀師名而去紹興辛酉五月夢兩  
龍戲空中一化爲神人袖出書曰師七月當行師唯  
唯既集衆說法復大書曰因念佛力得歸極樂凡  
在吾徒宜當力學即沐浴更衣與衆同誦阿彌陀經  
至西方世界而逝能仁行人聞天樂音祥光屬天衆  
謂師報居淨土而先赴兜率之請也八月葬東園賜  
號公涌郡祈雨于玉溪最苦路險師咒龍使移之也  
夜風雨大作且見潭在所指夷坦處述宗圖記百卷  
釋南岳止觀樞要二卷釋十不二門虎溪集八卷  
法師留仙仙居李氏號真教幼不樂世俗常曰世間  
榮富何能挽我一生清素邪遂服方袍遊學至天竺



得觀道于明義首座還鄉依白蓮慧師聽止觀大有發明久之竟嗣其席常時繫念唯在淨土或曰汝華三昧一土一切土一身一切身一佛一切佛何不依止觀修法華三昧而為往生之因師曰荆溪云分別功德品中直觀此土四土具足故此佛身即三佛身此大衆即一切衆以或未斷故安樂行是同居淨土行之氣分故不離同居穢見同居淨問者曰同居類多何必極樂師曰教說多故宿緣厚故今專住故是攝土故當結制稍覺微志乃詣辭郡縣還寺杜門絕客衆請用齋令厚贖謝去之即易袈西向設彌陀像請行人誦經終卷而化時能仁聞念佛聲涕天仙

樂正耳塔于院東北隅

首座梵章學惠法師悉通其旨屢居白蓮座端誦唱有法學者宗尚謙抑不肯出世人高其風著圓覺經疏一卷時稱簡正

北禪梵法主法嗣

法師惠深幼徧歷講席及見北禪洞悟觀道後法主歸寂師繼踵行化當建炎兵燹之餘極力土木卒遷舊制領徒說法未嘗一日以事廢將建大殿衆勉見巨室師曰若使出門于施主不如閉戶禱諸天精意所感施者自至師正席二十九年有僧善居爲知事亦如之清儉勤力輔贊有理人或與錢即腰纏手挽



自以攜歸慮費腳金損施福也

德藏瑛法師法嗣

法師思淨錢唐喻氏受法華於瑛師既悟取旨復深研淨土之觀專志念佛日課觀經大觀初於郡城北闕創精舍名曰妙行領徒乞食期飯僧百萬不二十年竟踰八倍建十蓮華藏規制巧妙為天下輪藏之冠尤精畫佛每運筆先於靜室念佛觀想一日畫丈六像見佛光良久衆皆瞻禮師於是時頓悟筆法之妙於是人間咸稱爲喻彌陀堂於西湖北山鑿石作彌勒像露半軀於巖誠者以爲深谷爲陵之日必有繼成全身如三生石像者宜和初盜起清溪北錢唐

師告衆願以身代一城人命賊義之妖鋒爲戰紹興庚申冬端坐想佛七日不廢忽起然者供佛歸座跌坐而化旬日頂上溫煖面體紅潤見者謂其猶生葬于法堂之右

車溪卿法師法嗣

南屏下第四世

法師可觀字亘翁華亭戚氏年十六具戒依南屏精微師聞車溪聲振江浙負笈從之一日聞舉唱曰般若寂寥忽有悟入如服一杯降氣湯主慧覺有橫山命師偕行讀指要至若不謂實鐵林非苦難易涉遶歎曰語言文字皆纏紕耳建炎初主嘉禾壽聖還當湖德藏居閱世堂爲楞嚴補注嘗以祥符延閱兩載



以疾反當湖南林一室蕭然人不堪之則曰松風山  
月此我無盡衣鉢也乾道七年丞相魏杞出鎮姑蘇  
請主北禪入門適當九日指座云胷中一寸灰已冷  
頭上千莖雪未消老步只宜平地去不知何事又登  
高魏公擊節不已及得所遺法語謝曰當日卷卷斯  
道不敢孤負付菴淳熙七年皇子魏王牧四明時憲王孝宗次子  
用月堂遺書之薦請主延慶時已八十九歲  
抵行在所而聞王薨師在天竺受請曰王肯如生豈  
當有辭遂行至南湖衆見行季寂寂莫不歎服不二  
載復歸當湖竹菴九年二月十九無疾而逝壽九十  
一茶毗舌根不壞舍利莫知其第塔德藏之觀堂師

五  
行化來訪當湖對語終日敬之曰教海老龍也師見  
齋房安像即誠之曰汝起居無禮說無益語少時焚  
香之敬不補終日嫖娼之罪也著楊巖說題集解補  
注法苑珠林益補注二卷金剛經前事說各一卷圓  
覺寺經竹菴錄各一卷山家義苑二卷

法師有朋金華人自號牧菴一家教文背誦幾半初  
學于慈圓覺復往謁車溪晝夜扣關請其道主仙  
潭諱止觀天衣持師分衛至境時分衛入寺就聽  
至破法齋破九種憚那皆非同類行人入道之門  
持諫然曰我所未聞之說也設禮而去潮人薛氏婦



早喪不得脫其家府千僧誦金剛般若請師演說經  
月婦憑語曰謝翁婆一卷經今得解脫第問千僧同  
誦何言一卷答曰朋法師所誦者我師誦時不接世  
語兼解義為勝也從能仁講道日盛晚主延慶初升  
座叙謝云有朋自遠方來聞者莫不心說於方丈扁  
一室曰六經堂中設一几而初無文字士夫怪其誕  
衆至寺欲屈之師令侍者先語之曰諸賢欲何相也  
若賓禮則對坐商略若請益則侍立遂問其來意則  
容先伸三問咸曰乞從實禮及對語援引不已乃知  
六經在胸中也每問請不預觀文牋曰我七將歸止  
觀於正修中未嘗道著一字又曰大部中欲作一

如牛結太亦不成所謂文字性離行解脫也故今教  
慈略無義目唯十不二門口義總釋一班耳或問十  
境十乘方成觀法荆溪何云不待觀境方名修觀師  
曰向伊道攝事成理了也又問圓頓教中為立陰否  
師高聲一喝云陰入重擔常自現前何更問立不立  
一日講調御丈夫數士人至師曰若在儒教論丈夫  
事如忠臣事君不顧身勇士赴難不畏死立天下之  
大事成百世之顯名不為聲色名利之所惑焉昔名  
丈夫若在吾教則一心三觀為舟航六時五悔為艣  
掉降伏諸魔制外道不為分段變易生死之所籠攝  
者方名丈夫耳士人為之畏服師御衆厲而簡左右



或欲師白堂整衆者師曰我所以不數數告衆者是  
有意也不見道顛雷夫失威乾道四年十二月三日  
坐青玉軒請行人諷觀經至真法身觀集大矣念儀  
留偈坐亡葬于崇法之祖塔稟法者顯菴法昌月溪  
法耀等甚衆師自持強記不畜科策嘗謂同學竹菴  
曰天下祇一个半座主老兄執半个問何爲半个師  
曰不合多幾個紙策也在仙潭曰竹菴來訪爲上座  
師讀大科竟即收袂曰宗師在座不敢入文其對尊  
宿之禮尚謙若此  
慧覺玉法師法嗣  
法師去又餘姚邵氏受業龍泉十五試蓮經中選得

慶初依智涌於廣嚴後去從慧覺覺赴天竺師隨往  
且夜爲學卒成其業大慧居徑山往咨心要嘗令師  
率境觀之旨必擊節歎賞有王侍御女早喪每附語  
令請高僧誦法華大慧令師往方升座演經侍御忽  
有減悟夜中亡女夢於父曰承法師誦經力已得生  
歟侍御因作一乘感應記大慧一日謂師曰教苑人  
稀宜勉力弘傳以光祖道師遂歸旣而慈溪羅氏以  
圓湛菴延之學者四集共仰師法紹興十三年郡命  
居清修泉清石潔人境俱勝常患後生單寡多弊乃  
闢衆堂作連牀蒲褥如禪林之規以身率先衆莫敢  
念說法機辯有大慧之風有不能領者謂師設釋於



教苑寺左曰師子巖創一堂名無畏日住其中誦法  
華楞嚴七經十九年不輟一日忽告衆無疾而化塔  
于寺西雪塗歸顏爲撰銘門人妙雲繼主其席

法師神煥湖之安吉人早學慧覺時稱出類紹興中  
主思溪覺悟自昔教門諸師立義未盡者悉辯論之  
得百篇世號煥百章掌論諸天位次不正乃考諸藏  
典撰爲天傳其序云案百錄安功德天座在佛左道  
場若寬更安大辯及四天王在右則知世人或十二  
或十六或十八皆準鬼神品增減無拘也今欲定尊  
卑亦良爲難如鬼子母羅刹也豈當與大梵同列有  
女名功德男名散脂今以功德居上梵釋次之後列

散脂鬼母豈非天序內檢討大藏作諸天傳隨位釋  
之蓋天有主客有男女有本迹有顯晦大梵爲三界  
主帝釋爲初利主四王爲八部主若功德大辯但客  
寄耳功德寄北天大辯寄山澤初無主領茲所謂主  
客也功德大辯附神地神鬼母並女質餘則男身所  
謂男女也金剛密迹五百徒黨皆大菩薩本也現居  
神像迹也所謂本迹也大辯對佛宣揚正法雖位處  
客寄身示女質而言行則顯或但作影響不事敷揚  
縱權有統王現丈夫形而言行則晦所謂顯晦也知  
此四端可與言天矣竹菴見之曰大略數百字囊括  
殆盡天傳未見其本嘗撰諸天禮讚掌著圓覺



疏二卷安樂記一卷

法師如世永嘉焦氏母夢寶塔而生幼年試經得度  
首謁東靈欽師及普慈暉師所學未就乃與揚尖滑  
空相歎之車溪依卿師時衆已多無所容唯小室如  
斗不以爲隘劇暑埋大甕實以寒泉與四友背甕環  
坐以挹其爽如此數載衆戲目爲五瘟堂後參慧覺  
於積山晝夜潛心盡得教觀之妙初主車溪壽聖講  
餘課法華一部佛號二萬聲有求爲知事者以非器  
不見用憾之夜懷刃入室則見官客備座次夜復入  
則昏暗失路又一夕往得入室見十數人皆同師形  
其人媿恐而遁平時少睡夏月坐草芥中口誦法華

祖身位高而人謂師年高宜息苦行師曰翻飛之類  
安能妙乘所冀啖我血聞我經以此爲緣耳後人因  
表其德爲終故臺聯歲謝事聞者小巷日熏傳其紹  
興庚申七月端坐念佛結印而化闍維得五色舍利  
著淨業記釋觀經疏護國記釋光明疏又述金剛會  
解假名意述災初述聲聞會異其末題云匈奴去杭  
入者兵火陷塘劫掠歸起命在不測聊書此爲記時  
事人以爲與章安當寇盜縱橫而著涅槃玄義其事  
相類

述曰法智之記觀經光明也當時同宗之輩親炙  
之徒如孤山淨覺師辭杭辨卒莫能勝謂之陽擠



法助術可爲說至於假名爲天寶之高德業之美  
爲四明四世孫當教觀中興後末思光贊乃祖之  
功而反事筆削忍爲淨業護國之記白晝操戈背  
宗教祖自墮山外之侶可悲也夫

### 圓覺慈法師法嗣

法師中修明之慈溪張氏賜號法照母夢月墮懷而  
生受業永明初依南湖明智未幾去謁圓覺于天竺  
久之盡得法奧靖康初能仁厚席郡太守劉光弼智  
識舉所知以師應命圓音一演學徒四集以粥飯不  
給開海田爲二十頃香積乃裕紹興乙卯夏旱郡守  
以龍湫背受智者戒遣條屬躬師臨敝施以戒法即

日雨澤以年老退處藏密菴紹興乙丑沐浴易新衣  
書偈別衆正坐西向而化

行人能師嘉禾人少學能仁入懺室四十載六時行  
道雖病不廢唯不食數日其病自愈行人之名遂聞  
江浙平既老讀文如初學草菴戲之曰未忘荃邪師  
曰荃何所忘荃大慙嘗暑中曬衣歎曰慷慨丈夫反  
同穢獲於是散去餘長唯留一幣絮袍夏則束梁紬  
間夏日入林施蚊一日逢二虎以身就之虎俛首而  
去山神與供一方常與交接者積有之知事來告則  
力拒之明且施自至皆曰昨夜行人巡門相報知  
山神荷師以往圓覺有能仁之命師與文首座然指



以請及其至晝夜請益大有開悟

普明靖法師法嗣

法師思梵抗之臨平湛氏賜號圓通依淨社普明學教觀盡通其旨久之擢居座首普明還覺悟師與偕行及再遷上竺謂師曰覺悟之席無以易子行道十年大振法道後退處西山歸雲菴杜門著書嘗以經疏語錄商榷禪教之旨名曰會宗侍郎晁公武一見契心爲之序曰予聞世父景迂先生之言曰景迂游江東西有天台之學通其說者無禪教之病可以爲人天眼目小子識之自予聞此三終星矣今見會宗之所述其有合於世父景迂之言乎師平生以戒

法力夢寐嘗與聖賢接凡禳穰灾凶驅逐妖厲一爲說戒無不通感乾道四年五月有日者謂師曰六月之望師其亡乎師笑曰造物焉能制我邪汝謂六月亡我且八月往至期沐浴更衣趺坐龕中召衆誦佛瞋目而化塔于方丈之室

梵慈普法師法嗣

法師梵光四明鄞之陽氏賜號圓照母夢異僧入其室十二月乃生異香盈室十六具戒始學律于湖心通照復習教於南湖神智慨然遊方裴回西浙乃之白牛見海慧普師聞講法華壽量品廣談三身言下大悟將還鄉海慧撫其背曰汝必大振法智之席及



歸郡守王資深命主廣壽政和四年春太守呂淙以南湖請時廣壽之衆願從者百二十人自是南湖衆及五百法智之世未若是之盛也宣和四年大旱郡請講雲雨經依法結壇縑素畢集披軸則雲興下席而雨注靖康初高麗貢使及境來謁云國王問訊法師翹仰道德無從瞻禮謹遣使獻法衣一襲及本國曉法師所著華嚴疏論二百卷建炎三年以老謝去寓奉化之福聖南湖自罹兵燹積年未復郡守仇愈謂非師不能振遂迎師再還群僚畢集竹間誦演仇公臨筵讚之曰微言發覆吾生何幸紹興十二年舉門人道琛自代遂退居于擇陽與漕使陸寔鄰居往

來結方外交明年春與陸君辭曰老病既久將以後事託延慶乃舟行至南湖沐浴更衣集衆諷觀經書遺訓付悟真義誠諷安樂行至深入禪定見十方佛寂然而逝時十三二月八日也壽八十葬崇法之祖塔師天資朴素待貴賤以均禮或問其故則曰吾法以平等爲心不輕爲行昌國戴氏爲鬼物所擾請師誦咒及門而祟滅其在福聖道俗請增戒法有鄒氏子附語曰吾汝之先也久處幽冥聞人間光法師爲衆施戒此日冥中異類多得解脫故吾得以暫歸法主智欽姑蘓常熟人才辯超卓舉世知敬主東靈聚徒至五百行梵慈之道不少異恪勤講懺日未嘗



息時入尊稱法主以比北禪梵云

清辯齊法師法嗣

法師法雲受業姑蘓景德賜號普潤學教觀于清辯  
為得旨紹興十三年撰翻譯名義七卷以釋藏典之  
梵語援引疏記有所論辨甚為學者之益咸澤山嘉  
其作為贊化刻梓云

諸師列傳第五

三二日八日由書人筆安其下衣  
其時其妻亦在側至南陽村欲更安其妻與妻  
來靜衣也其時年壽與劉雲稱曰法澤德安終



